

Oppian.
Halient. l. 3.
v. 605.

author est, Rondeletius diligentissimus omnium circa Acum indagator, ejus non meminit. *Partes interiores*, ventriculum, hepar, intestina, quae appendicibus carent, longa habet. *Hepati* vesicula fellis oblonga adhaeret. *Cor* angulosum est. In arenosis, saxosisque locis *degit*. Solemne ipsis *ἔτε νόλπον δίκτυε ἐκπερὺγωσι*, quando *sinum retis effugerint*, iterum reverti, et dum ira velut perciti id dentibus lacerant, in laqueos iterum impingere. Carne est dura et sicca. Frixus et omphacio vel succo mali aurantii irroratus edi solet; nec ingratus palato invenitur.

ACVSMINOR Bellonii *Lacertus* est, seu *Saurus Acubus similis*. Rondeletio. Piscis est marinus, pedis magnitudine. Acubus brevior et crassior. *Rostro* acutius sed brevius et sursum recurvo. *Dentium* loco ma-

xillas serratas habet. *Branchias* quaternas, septem etiam, ut in superiore, quem Bellonius Majorem vocat, superne ac inferne et in cauda propendentes *pinnulis*; his, *oculis*, et ante hos foraminibus, ventrisque squammis ac lineis, quae ventrem fere quadratum efficiunt firmantque. Acubus est similis; carnis substantia, et posteriore corporis parte Scombris. *Intra* ventriculus est oblongus. *Intestina* longa gracilia, in gyrum convoluta. *Hepar* longum rubescens: *fel* et *splen* nigricantia. Cujus Aldrovandus Iconem dedit, toto corpore subviret, maculis ex amethystino et caeruleo mixtis, in dorso intensius, in pectore remissius variantibus. Rarus est, et in insula nomine Lissa, olim Phuna affatim capitur. Inde salitus navigiis transfertur, et maximo quaestu divenditur.

ARTICVLVS XVIII.

De Fabro.

TAB. XVII.
I. 2.

Aldrovand.
de Piscib.
l. I. c. 25.

Plin. H. N.
l. 9. c. 18.

FABER piscis, seu exinde quod omnia fabrilia instrumenta in eo reperiuntur, teste Salviano, seu propter multiformes dorsi ac ventris aculeos atque varia capitis ossa, quibus fabrilia omnia instrumenta repraesentantur; seu ab atrae fuliginis colore, quod tamen, si ex Oppiano desumptum est, Coracino potius tribui debet, ita dictus est. An *χαλκεὺς* sit, quod Salviano placet, dubitatur. Cum eum Gadibus principatum obtinere scribat Plinius; rotundum vel orbicularem, Athenaeus faciat. Si est, utique et *Ζεύς* seu Jupiter dicetur, nam et hoc τὸ *χαλκεὺς* nomen est, seu a *χαλκεὺς* formatum; seu quod forte, ut nunc fit, olim etiam in templo Jovis tanquam facer suspenderetur. Quidam *Χρυσόφορον* nuncupant, an propter maculas laterales, digitorum Divi Christophori ut ajunt vestigia, vel quod eum, quem jussu Salvatoris Div. Petrus cepit (maculae praedictae numismatis illius quodammodo figuram exprimere creduntur) opinentur, nescio. Romae *Citula*, Liguribus *Rotula*, Hollandis *Hallus marinus* dicitur. Qui Chalciden, Acanthiam vel Citharum, vel Porcum marinum esse judicant, fallun-

tur. *Primus* enim inter viles pisciculos a Columella; ab Aristotele inter fluviatiles reponitur. *Alter* cartilagineus et rotundus. Citharum piscem inferius dabimus. Porcus inter magnos pisces recensetur. *Ζαῖος* Hesichii idem forte cum isto. Cum nec inter *ῥηπτοειδῆς*, qui una parte candicant, nigricant altera, nec inter planos, a quibus oculorum situ differt, referri possit, bene inter latos censetur, quamvis maxime compresso ac plano sit corpore.

Coloris est varii. *Caput* et dorsum obscura sunt, pinnae nigricant, latera partim ex caeruleo virent, partim aurea sunt. In medio corpore macula nigra, orbicularis, vel ovata nummi minoris magnitudine, colore coelesti; cum tribus imagunculis, figura quodammodo Hippocampi, colore aureo, visitur. *Squammis* tam exiguis tegitur tenuibusque, ut, nisi digito scalpas, vix appareant. *Caput* ipsi compressum, extensum, osseum, ossibus quam plurimis, variis, angulosis, tenuibus, atque perlucidis constructum, maculis quibusdam exiguis purpureis exornatum. *Linea* obliqua a capite ad caudam ducitur. *Os* latissimum, plurimum hians, edentulum, et si